

History of Tshikundamalema.

Tsinde la vha ha Tshishonga, Vhandalamo, vha ri o  
 bvaho Vhukalanga dzina lawe vhukuma a li tsha divhiwa. Lo  
 xela-xela nga maitele awe, ngauri o vha e muthu we a vha a  
 tshi dina vhathu a sa shumi, a tshi sokou vuwa a bva a ya  
 midini ya Vhakalanga a tshimbila a tshi dzhia zwiliwa zwavho,  
 mavhele kana mbudzi. Fhedzi o vha a sa iti u thuba zwothe, o  
 vha a tshi dzhia tshithihi, o no fhedza a di ita ngauralo kha  
 mudi na mudi. Ndi hone Vhakalanga vha tshi mu nea dzina la u  
 pfi "Dumbu-ra-nyika ri si nga guti kanyi". Ndi uri "Thumbu ya  
 shango i sa fushwi nga zwa hayani", la mbo vha lone dzina lo  
 hulaho u swika hu tshi xela dzina lawe, ha sala muano wawe wa  
 uri "Tshishonge". Vhanwe vha ri Tshishonge o vha e khaladzi  
 yawe, ngauri zwirendo vhukuma na muano wavho ndi Ramovha. O  
 vha e khosi a tshi di-langa. Musanda wawe wo vha u Nzhelele.  
 Onoyo vha ri o beba Tshisidzungwane, Tshisudzungwane o beba  
 Rathophi, Rathophi o beba Lugube, ndi ene we a pfulutshela Tshifudi.  
 Lugube o beba Ra-lulimi-lwa-ndou-lwo-sala-thohoni. Onoyo o  
 beba Lalumbe. Khosi inw<sup>e</sup> ya ngei Nzhelele a ri ndi nne "Thoho-  
 ya-ndou-yo-sala muvoni", ndi uri yo sala he ya viiwa hone, a i  
 na a nga i hwalaho. Ndi ene wa vha ha Ramabulana. Nga tshifhinga  
 tsha Lugube ndi hone he vha fhandakana tshothe na avha vha  
 Ramabulana na vha ha Tshivhasa, fhedzi vhe ~~fhedzi vhe~~ fhethu  
 huthihi. Zwino nga murahu ndi hone vha ha Tshishonge vha tshi  
 zwi vhona uri a si zwone ri tshi dzula fhethu huthihi, vha bva  
 Dzata vha da Mukula. Ndi hone he vha fhandakana hone, vhanwe vha  
 ya Khubvi, vhanwe Tshinga, vhanwe Ha-Tumbala, vhanwe Ha-Muila  
 tsini ha Tshikhusese, vhanwe Tshihanane, Ene thoho yavho  
 Ralulimi a yo dzula Tshifudi. Ndi hone he vha vhulawa nga vha  
 Mbilwi, vha ha Mphaphuli, e hone. Vhanwe vha sala Dzata vha re ho-  
 ne na la namusi, vhanwe vha tuwa na vha ha Tshivhasa vha hone na  
 la namusi (Mukumbani). Musi vho bva Dzata vho nzheni ndwani  
 dza Vhangona ngauri o vha e mashango avho, Vhangona vha kundwa nga  
 vha ha Tshishonga vha luvha.

Mafhungo a vha ha Tshikundamalema. Ndi Vhandalamo, vha bva  
 kha Lugube o beba Ralulimi na Lufhafhe. 2.0

Onoyo Lufhafhe, nge a vha a tshee mutuku, vho mu isa Ha-Tumbala na mme awe na vhanwe vhatu uri vha mu lele hone, vhone mme vhe khosi, <sup>M</sup> mme awe o maliwa e wa lushaka lwa mahosi a Tshakhuma, o dzama ha nzehena nwana Lufhafhe a vha khosi. Onoyo o' u dzama, ha nzehena nwana wawe a no pfi Ludwavha. Musi vha tshi dzula kutavhani ku no pfi Matokota, hanefha ndi hone he ha da lunwe lushaka lu no pfi Malema, Vho vha vho no kunda vhatu vhanzhi, Vhavenda vha tshi ri u vha vhone vha sokou shavha vha sia zwothe, mavhele, zwifumo. Zwino vha tshi swika Ha-Tumbala vha wana vho no vhamba maano a u lwa navho, vho fhata mitsheto na dzingole ntha ha mitsheto, vho vheya matombo, Vho swika tsini vha ritha matombo vha tshi ri ri a swika, vha a ritha a vha wela ntha, vha ri ri a humela murahu na hone ho vha ho no vha na vhatu vha a ritha a vha wela ntha vha fa sa dzimbevha. Zwino vha livhanya mulamboni u no pfi Thahari, vhanna zwino vha tsa vha vha vhlimedza vha wela luphirimani vha vha pfula nga misevhe hu si tshee na muthihi wavho o no dovha u rembuluwa u lwa. Vho bvaho ndwani iyo ho ngo tsha dovha u lwa na muthu arali hu si u shavha na u shavha o livha hayani hawe, ndi hone vha tshi huma u yo fhedzisa dzikhuvha-bvu dzo huvhadzwaho nga matombo. Ndi hone Ludwavha a tshi ri ndi nne Tshikunda-Malema, ngauri o kunda lushaka lwe lwa vha lwo fhedza vhatu na mavhele na zwifuwo zwavho.

Malema ndi lushaka lwe lwa vha lu tshi bva dzimbi dzavho vha tshimbila lu songo ambara sa Mabunyu.

Ludwavha a beba Khangale, mme awe ndi vha ha Gumbu. Ha ri u dzama Ludwavha, ha nzehena ene Khangale a vha khosi ya ha Tshikundamalema, ho no fa dzina la uri Ha-Tumbala. Zwenezwo o no nzehena Khangale ha shuluwa dzimbi nnzhi, ho thoma murathu wawe ane a pfi Mashige, a shandukela mukomana wawe a ya u ramba Magiledzhi, khosi ya Thengwe, vha lwa nae o no pfulutshela Mpumbuluni. Zwino ndi hone Vha tshi vhone uri a ri mu koni, vha ya ramba vha Ha-Tshivhasa vha tangana na vha Thengwe, ndi hone tshi bva nga u shavha a ya Khubvi, ha sala Mashige e khosi ya lothe la Ha-Tshikundamalema. Zwino Khangale e Khubvi ha da Mabunyu a dia Lwamondo, ene a ya khao a vha disa Muledzhi he ha vha hu hone musanda we Mashige a vha a tshi vhusa e hone, vha pandela Mashige a ya a dzula Dzanani kathihi na Magiledzhi.

*Kha. e. e. e.*

Ndi hone Khangale a tshi sala Muledzhi e khosi, zwino Magiledzhi khosi ya Thengwe a tshi vhuya hayani Thengwe, a ramba vha Ha-Tshivhasa vha da vha wana vho no edela. Ho vha hu na vhaeni vho lala khoroni vha bvaho kule, vha mbo di vha vhulaha, zwino ndi hone vhane vha mudi vha tshi vuwa vha lwa navho vha vha pandela vha shavha hu songo vhulwa na muthihi wa afho.

~~Ndi hone~~ nga linwe divha nduna ya Khangale we a vha a tshi pfi Madzwuse a tshi ya u zwima mbila a wana bako lihulu li re tha vhani i no pfi Maholoni, a vhuya a tshi ri, "Vha musanda, fhanu a ro ngo dzula zwavhudi, ndo wana bako la vhuswina line ri nga si moniwe nga maswina". Nga murahu ha zwenezwo vha mbo di pfuluwa vha ya hone. ~~zwino~~ vho no vha hanefho, vha Thengwe vha dovha vha ramba vha Ha-Tshivhasa vha da ~~hanefho bakoni~~ masiari, vha vha wana vhe hanefho bakoni, ya tangana ha vhulawa na nwana wa Tshivhase a no pfi Makhadi, murathu wa Ramarumo, na vhathu vhanzhi. Ndi hone vha tshi shavha vha mu sia hone.

~~Ndi hone~~ nga linwe divha vha dovha vha vha dodela vha wana musandzi ane a pfi Nyalutongopfa e tsimuni, vha mu vhulaha na nwana wawe wa musidzana ~~na nwana wawe~~ a no pfi Lutongopfa.

~~Ndi hone~~ Ndi hone nwana wa Magiledzhi a no pfi Nengudza, khotsi a Thengwe a re hone, nga linwe divha a bva a songo onesa khotsi, vha a ya ha Tshikundamalema a ri u swika a wana vhasadzi vhe masimuni. Vha tshi mu vhona vha toda u mu shavha ari, "Ni songo shavha, iyani ni mbidzele vho-Tshikundamalema". ~~zwino~~ vha ya vha hanelela khosi zwenezwo zve vha vhudzwa. Ndi hone a tshi takuwa a ya hone a swika a dzula nga kule. Nengudza ~~Magiledzhi~~ a ri, "Ndo da u ri ndi pfane na vhone uri kha ri litshe hezwi zwa u dzula ri tshi lwa. U bva namusi nndwa kha i fhele, ri tshimbidzane ri malelane." Ndi hone nga murahu vho-Tshikundamalema vha tshi ruma vhathu vha ya ha Magiledzhi u pfi uri zwo fhela-na. Nango vha vhuya vha tshi ri zwo fhela, ndi hone vha tshi tshimbidzana vha malelana.

Ndi hone Magiledzhi a tshi vhuya a dzama, i pfano na Tshikundamalema, a dzama-vho vha kha di pfana. Ndi hone hu tshi nzhenana nwana wawe Tshiakhatho, ha fhela minwaha miraru pfano ya fhela, ha vuwa nndwa na Nengudza khosi ya Thengwe, onoula we a thoma u ri nndwa kha i fhele. A ya a ramba mmbi Ha-Tshivhasa, vha da vha

lwa nae a vha vhulaha nga vhunzhi a vha rwa dzithoho nga tshigidi tsha Martin u swika li tshi kovhela e navho; murahu hune vha ri ri a ima a rwa thoho, a sala o fa, vha gidima a tevhela a tshi di ralo. Vho ya hayani vha dovha vha rambana vha vhuya vha tanga thavha vhothe, vha twa maduvha mararu hu tshi lwiwa, shango li nukha musili. Naho zwo ralo vho vha vhulaha vhukuma, ha vhulawa nduna ine ya vha yone ya u netshedza dzigulu khosi. Ndi hone ya shavha, vha vha dovha vha ramba inwe vha vhuya vha mona nga murahu ha dzithavha dza ha Tshikundamalema vha wela mulambo u no pfi Mbodi, vha elelwa inwe nduna ya Tshikundamalema ye ya vha yo dzula hu no pfi Maseha tsini ha Dambale, vhubvaduvha ha Tshiungani, ~~zwino~~ Ne-Maseha a vha vhlimedza a vhulaya vhavhili, ndi hone vha tshi shavha vhothe vha Thengwe vha ha Tshivhasa. Vha dovha vha ramba inwe, vha da u dia Tshirunzini na kha kunwe kudi; ndi he vha vhulaya vhathu vhana, mukalaha na mukegulu na musadzi a <sup>na</sup>nwana mutanani, musadzi o rungiwa nga pfumo, nwana vha rwa nga thonga. Vhusiku musadzi a vuwa a shavha a ya midini ya vha hawe na nwana, a vuwa vha mbo di vha <sup>a</sup>lefha vha tshila, a tshi pfi Phophi. Zwino vha tshi vhona uri u lwa ri tshi ita ri tshi tuwa a <sup>z</sup>swi ri farisi tshithu, ndi hone vha tshi nzehena kha inwe thavha i no pfi Tshamuulwi, vha hada vha fhata mudi, ~~hona~~ vha dzula hone vho lindela u lwa. Ndi hone Tshikundamalema a tshi ya a vha balanganya vha bva, ha vhulawa Matseli, muthu wa Tshikundamalema. Vha dovha vha rambana vha ya kha inwe thavha Khulinga, vha kuvhangana hone ha fhatwa mitsheto. Tshikundamalema a ya hone na mmbi yawe, ya lwiwa, ha vhulawa murathu wa Tshikundamalema a no pfi Manenzhe. Ndi hone vha tshi nzehena mudi uyo vha u fhisa. U bva lenelo duvha vhothe a vho ngo tsha dovha vha lwa nae Tshikundamalema. ~~Ndi hone~~ Hu tshi ri vha Ha-Makuya vha tshi ri ri a mu dodela nga murahu ha dzithavha, vha wela Mutale vha wela Mbodi vha da Tshipise vha thuba dzikholomo vha vhulaya vhathu. Tshikundamalema a tshi zwi pfa a ramba yawe a da u dia Ha-Makuya, vha thuba dzikholomo dza vha Ha-Makuya vha thubulula na dzila dzavho.

~~Ndi hone~~ Hu tshi da vhathu vhatshena, ndi hone vho-Tshivhasa Ramarumo vha tshi ya ha Tshikundamalema vha ri, "Ni a vhona, Tshikhuwa tsho swika; arali na ima ni nothe ni nge yi kule-kule, a ni nga pfi zwine vha do amba. Arali vha tshi ni vhudzisa uri khosi yanu, ni ri ndi Tshivhasa." Zwino vha u vhona uri

Gamba i tsini na Tshivhase ndi hone vha tshi tenda uri khosi  
 ndi Tshivhase, zwa ralo u swika zwino nne ndi re hone/ x  
~~ndi hone~~ Tshiakhatho o dzama ~~Tshiakhatho o dzama~~ nwaha wa 1920  
 (?), ha kona u dzhena nne Hanyani Tshiakhatho, ndi nne ndo  
 nwalisaho. <sup>(aus)</sup> Ndi muduhulu wa Vhanyai vha Mangaya, fhedzi  
 Vhandalamo na vha ha Ramabulana vha kale vha/ri ndi vhana vha muthu  
 muthihi na vha ha Tshivhasa, mutupo na zwino ndi muthihi, vho  
 fhambana u ana, munwe uri Tshivhumbwe, munwe a ri Tshishonge.  
 Zwi a pfallanyana nga uri muano ndi madzina a dzikhaladzi.

END. 5. 720.